



<u>LEFAPHA</u>	: THUTO
<u>LEKALA</u>	: CHILDHOOD EDUCATION (CALT)
<u>KHEMPAHSE</u>	: SWC
<u>MOJULE</u>	: SESOTHO FOR THE FOUNDATION PHASE 3A (SFP3AA3)
 <u>SEMESTARA</u>	: YA 2
<u>HLAHLOBO</u>	: HLAHLOBO YA TLATSETSO YA PHUPJANE 2021

<u>LETSATSI</u>	: PHUPJANE 2021		
<u>MOHLAHLOBI</u>	: MOF. M. VAZ	UJ (DCE, CALT)	
<u>MOHLAHLOBISI</u>	: MOF. S. MOKOENA (NWU)		
<u>DIHORA</u>	: 2	<u>MATSHWAO</u>	: 100

DITAELO:

1. Lekola pampiri ya hao ya hlahlobo yohle pele o araba dipotso.
2. Aruba dipotso tsohle
3. Nomora dikarabo tsa hao ka nepahalo
4. Ngola seboko, lebitso le nomoro ya hao ya moithuti dibukeng tsohle tsa dikarabo.
5. Kenya hlahlobo ya hao ho Blackboard o sebedisa linki eo o e filweng.

POTSO 1 DIHOMONIME LE DILOTHO

1.1 Ngola dihomonime/ditumatshwana tse hlano mme ebe o bopa dipolelo tse pedi homonime ka nngwe ho bontsha meeplelo e mebedi e fapaneng. (10)

1.2 Fana ka karabo tsa dilotho tse latelang:

1.2.1 Nonyana e siyang mahe e balehe. (mollo)

1.2.2 Majwana mabedi mabetsa hole. (mahlo)

1.2.3 Monna ya fetolang mmala nako le nako. (lempetje)

1.2.4 Mohlankana ya dulang lehaheng. (leleme)

1.2.5 Phate di a lekana. (lehodimo le lefatshe) (10)

[20]

POTSO 2 MASUPI LE MAKGETHI

- Ngola moqoqo wa leqephe le le leng ka ente ya kokwanahloko ya Khorona mme o sebedise masupi a supang mabitso ho ya ka dihlopha tsa mabitso ho tloha ho sehlopha 1 ho fihlela 15 ho isa ho 18. Bontsha lesupi ka ho ngola sehlopha sa mabitso pela lona.

Tse hlahlojwang	0-2	3-4	5
Bolelele le sebopoho sa moqoqo	Moithuti o ngotse moqoqo wa seratswana se le seng feela mme	Moithuti o ngotse diratswana tse pedi feela	Moithuti o ngotse moqoqo wa bolelele bo lekaneng mme o sebedisitse sebopoho sa moqoqo
Sehlooho	Moithuti ha a latela sehlooho sa moqoqo ho hang	Moithuti o lekile ho latela sehlooho sa moqoqo empa o tsamaile a fapoha	Moithuti o latetse sehlooho sa moqoqo ka hohle
Tshebediso ya masupi	Moithuti o sebedisitse masupi a dihlopha tse ka tlase ho hlano	Moithuti o sebedisitse masupi a dihlopha tse hlano ho isa ho tse supa	Moithuti o sebedisitse masupi a dihlopha ho tloha ho 1 ho isa ho 15. 1 ho isa 18
Pontsho ya masupi	Moithuti ha a bontsha hore lesupi ke la sehlopha sefe	Moithuti o bontshitse masupi a itseng hore ke a didlopha dife	Moithuti o bontshitse masupi ohle hore ke a dihlopha dife

[20]

POTSO 3

- Ngola puisano pakeng tsa baahisani ba quthisanang lehlokwa ka ntja ya e mong e kenang jareteng ya e mong mme dihe moqomo wa matlakala ka mehla. Kenyeletsa malahlelwa a fapafapaneng ho bontsha maikutlo a moahisane ka mong puisanong ya bona. Ela hloko hore o sebedisa seboleho se nepahetseng sa ho ngola puisano. Sebui ka seng se bue bonyane makgetlo a mahlano.

Tse hlahojowang	0-3	4-6	7-10
Sehlooho sa puisano	Puisano ha e latele sehlooho se beilweng	Puisano e latela sehlooho empa e seng ka ho phethahala	Puisano e latela sehlooho ka hohle
Seboleho sa puisano le tshebediso ya matshwao a puo	Moithuti ha a sebedisa seboleho sa puisano	Moithuti o lekile ho sebedisa seboleho empa matshwao ha a sebediswa ka nepo ka nako tsohle	Moithuti o sebedistse seboleho le matshwao a puo ka nepo puisanong
Tshebediso ya malahlelwa	Malahlelwa a sebedisitswe polelong tse haellang. ka tlase ho 3	Malahlelwa a sebedisitswe polelong tse 4-6	Malahlelwa a sebedisitswe polelong tse 7 -10

[30]

POTSO 4

- 4.1 Bala seratswananyana se latelang ebe o araba dipotso.

Kajeno ke letsatsi le monate haholo baneng ba sekolo se seholo sa Matwabeng. Ba fumane molaetsa o potlakileng wa hore mosuwetsana wa bona ya ratehang, Mofumahadi Tshehla o fumane ngwana e motle wa ngwanana mesong ya maobane. E ne e le lethabo le leholo sekolong seo, haholoholo baneng ba sehlopha sa boraro e leng mophato oo a o rutang, mme e boela e le mosuwetsana wa sehlopa sena. O ne a ntse a ithwetse boholo ba selemo sena se ka hodimo.

Mofumahadi Tshehla o ne a bolelletse barutwana ba hae hore o lebeletse lesea ho ya mafelong a selemo. Ba ne ba ngongorehile hore jwale ba tla fumana mosuwetsana e motjha ya hlokang lerato le kutlwisiso jwalo ka mosuwetsana wa bona.

Mosuwetsana Tshehla o rata le bana ba mophato a o rutang dipalo e leng mophato wa bobedi. Ha ba sa utlwisise seo a se rutang hantle, o ba Neha mosebetsi wa hae hore ba kgone ho ikwetlisa ho phahamisa kutlwisiso ya bona. Bana bohole ba rutilweng ke mosuwetsana enwa ba nyolohetse hodimo dithutong tsa bona tsa dipalo hobane mosuwetsana enwa ke nkgekge ha ho tluwa thutong ya dipalo. Sekolo sena seo Mofumahadi Tshehla a rutang ho sona se etsa bonnete ba hore ho sebediswana mmoho ke matitjhere ho fa bana ba sekolo seo monyetla wa ho atleha dithutong tsohle tsa bona e seng dipalong feela. (Sekolo sena seo mofumahadi Tshehla a rutang ho sona se etsa bonnete ba hore ho sebediswana mmoho ke matitjhere ho Neha bana

Mane sekolong sa Matwabeng, mesuwe le mesuwetsana e dumetse ho sebetsa dihora tse ekeditweng ho feta tse kalletsweng dikolo tsa mephato e tlase. Sena e le hore ba tle ba kgone ho thusa bana ba fokolang bokgoning ba ho bala le ho ngola, esitana le ka tsona dipalo. Hona ho ba imolla mathata a bana ba phetaphetang sehlopha hangata empa ba sa bontshe tswelopele e hlokehang. Ba dumellane hore thupa e kojwa e sa le metsi, mme ba kgothaletsa bana ba sekolo sena ho fihlella ditoro tsa bona ka ho fapano, ho sebetsa ka thata, le ka hore bona ba tla ba etsa bonnete ba hore ba ruta ka boikemisetso. Ba iteletse hore ba tla ba sekolong ka nako, ka matsatsi ohle hobane ba batla hoba se seng sa dikolo tse fihlellang maemo a hodimo a diphetho tsa sehlopha sa boleshome le metso e mmedi. Bana ba sekolo sena ba na le lepetjo le reng, "mona sekolong sa Matwabeng, buka e a jewa". Ba na le tumelo ya hore ha ba ka sebetsa ka thata sekolong, ba ka fihlella tsohle tse ba di labalabelang bophelong

4.1 Qolla maetsimatsa a ka seratswaneng se ka hodimo ka mokgwa o latelang: maphethi a mane

4.1.1 boiketsi a mabedi

4.1.2 leetsane a mararo

4.1.3 leetsisisi a mabedi

- 4.1.4 leetsetsi le le leng
 4.1.5 leetsolli le le leng
 4.1.6 boetsuwa le le leng
 4.1.7 leetsehi le le leng (15)

4.2 Fetolela dipolelo tseo o ikgethetseng tsona ho tswa seratswaneng dikaong tse latelang:

4.2.1 **Sekaopeho**

4.2.2 Sekaohore

4.2.3 Ke lebopi lefe le bontshang sekaokgoneho (5)

[20]

POTSO 5 MAKGETHI

1. Lekgethi ke lentswe le kgethang lebitso malebana le mmala, sebopeho, tshobotsi le bophahamo. Ngola seratswana sa mela e leshome o sebedise mefuta e fapaneng ya makgethi a boletsweng tlhalosong ya lekgethi e ka hodimo.

Tse hlahlojwang	0-2	3-4	5
Mela ya seratswana	Moithuti o ngotse seratswana sa mela e meraro feela	Moithuti o ngotse seratswana sa mela e mehlano ho isa ho e supa	Moithuti o ngotse seratswana sa mela e robedi ho isa ho leshome kapa ho feta ho hlakisa dintlha tsa bohlokwa
Tshebediso ya makgethi	Moihuti o sebedisitse mofuta o le mong wa makgethi	Moithuti o sebedisitse mefuta e mmedi feela ya makgethi	Moithuti o sebedisitse mefuta yohle ya makgethi

[10]

MATSHWAO=100